



მუშათა და გლეხთა მთავრობის

კანონთა და განკარგულებათა კრებული

სახალხო კომისარათა საბჭოს და ეკონომიური საბჭოს

საქმეთა მმართველობის გამოცემა

1930 წ. დეკემბრის 29.

№ 23

ნაწილი პირველი

შ ი ნ ა ა რ ს ი:

ცენტრალური აღმასრულებელი კომიტეტის და სახალხო კომისარათა საბჭოს დადგენილებანი.

319. საქორწინო, საოჯახო და სამეურვეო კანონთა კოდექსის 92 მუხლის რედაქციის შეცვლისა და მუხლისათვის დანართის დამატების შესახებ.

320. საქორწინო, საოჯახო და სამეურვეო კანონთა კოდექსის 121 მუხლის შეცვლის შესახებ.

321. სამოქალაქო სამართლის კოდექსის 333 მუხლისა და 334 მუხლის შენიშვნის შეცვლისა და ამავე კოდექსის 339 მუხლისათვის მეორე ნაწილის დამატების შესახებ.

322. სარეწაო კოოპერაციის დებულების მე-12 და 91¹ მუხლების რედაქციის შეცვლის შესახებ.

323. სახელმწიფო და ადგილობრივ გადასახადთა და გამოსაღებთა გადაუხდელობის წინააღმდეგ ბრძოლის ღონისძიებათა თაობაზე გამოცემული დადგენილების შეცვლის შესახებ.

324. სისხლის სამართლის კოდექსისათვის მე-20 მუხლის „ო“ პუნქტისა და 41¹ მუხლის დამატებისა და იმავე კოდექსის 118 მუხლის მეორე ნაწილისა და 134 მუხლის შეცვლის შესახებ.

325. სისხლის სამართლის კოდექსისათვის 205¹ მუხლის დამატების შესახებ.

326. საგაღდებულო სამხედრო სამსახურის კანონის ახალი რედაქციის სამოქმედოდ შემოღების გამო სისხლის სამართლის კოდექსის ზოგიერთი მუხლების შეცვლისა და დამატების შესახებ.

327. საქართველოს სსრ 1928 წ. რედაქციის სისხლის სამართლის კოდექსით გათვალისწინებულ დანაშაულთა საქმეების ქვემდებარეობის თაობაზე გამოცემული დადგენილების I-ლი კარის მე-2 მუხლის შეცვლის შესახებ.

ცენტრალური აღმასრულებელი კომიტეტის დადგენილებანი.

328. ფიზკულტურის კურსებზე მოსწავლე მუშა-მოსამსახურეთა მუშაობისაგან განთავისუფლებისა და მათთვის საშუალო ხელფასის შენარჩუნების შესახებ.

329. ფიზიკური კულტურის სარაიონო საბჭოების დებულების დამტკიცების შესახებ. დებულება ფიზიკური კულტურის სარაიონო საბჭოების შესახებ.

330. უმაღლეს სასწავლებლებსა, უმაღლეს ტექნიკურ სასწავლებლებსა, ტექნიკუმებსა, მუშათა ფაკულტეტებსა და საქარხნო-საფაბრიკო სასწავლებლებში ფიზიკური აღზრდის განმტკიცებისათვის საჭირო ღონისძიებათა შესახებ.

331. სარაიონო აღმასრულებელი კომიტეტების სტრუქტურისა, შტატებისა და მომუშავეთა ხელფასის განაკვეთების იმ ნაწილის შეცვლისათვის, რაც შრომისა და სოციალური უზრუნველყოფის ინსპექტორის თანამდებობას შეეხება.

სახალხო კომისართა საბჭოს დადგენილებანი.

332. შრომის სახალხო კომისარიატისათვის შეუწყვეტელი საწარმოო კვირის ჩატარების ხელმძღვანელობის და მეთვალყურეობის დაკისრებისა და საქართველოს სსრ სახალხო მეურნეობის შეუწყვეტელ საწარმოო კვირაზე გადაწყვენი რესპუბლიკანური საუწყებათაშორისო კომისიის გაუქმების შესახებ.

333. სამეურნეო ანგარიშის საფუძველზე მომქმედი სახელმწიფო ორგანოებისა და კოოპერაციის საადმინისტრაციო-საგამგებლო ხარჯების შესახებ.

ხენსრალური აღმასრულებელი კომიტეტის და სახალხო კომისართა საბჭოს დადგენილებანი

319. დადგენილება ც. ა. კ. და ს. კ. ს.

საქორწინო, საოჯახო და სამეურვეო კანონთა კოდექსის 92 მუხლის რედაქციის შეცვლისა და ამ მუხლისათვის დინართის დამატების შესახებ.

„სსრ კ-ის მოქალაქეთა სიკვდილის შემდეგ საზღვარგარედ დარჩენილი ქონებისათვის მეურვეობის დანიშვნის წესის შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. მარტის 13-ის დადგენილების შესაბამისად (სსრკ კან. კრ. 1930 წ. მე-18 №-ი, მუხ. 194) და სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის წესისამებრ (საქ. სსრ. კან. კრ. 1924 წ. 1-ლი №-ი, მუხ. 7) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღდგენენ:

I

საქორწინო, საოჯახო და სამეურვეო კანონთა კოდექსის (საქ. სსრ კან. კრ. 1930 წ. მე-6 №-ი, მუხ. 56) 92 მუხ. მიღებულ იქნეს შემდეგი რედაქციით:

„92. წესი მეურვეობის და მზრუნველობის დანიშვნისა საქართველოს სსრ-ის იმ მოქალაქეთათვის, რომელნიც იმყოფებიან ან რომელთაც ქონება აქვთ სსრკ-ის ფარგლებს გარედ, განისაზღვრება ცალკე.

II

დაემატოს აღნიშნულ კოდექსს 92 მუხლის დანართი შემდეგი შინაარსისა:

საქართველოს სსრ-ის მოქალაქეთა სიკვდილის შემდეგ საზღვარგარედ დარჩენილი ქონებისათვის მეურვეობის დანიშვნის წესის შესახებ.

1. საქართველოს სსრ-ის მოქალაქის სიკვდილის შემდეგ საზღვარგარედ დარჩენილი ქონებისათვის მეურვეობა შეიძლება დაინიშნოს დაინტერესებული

დაწესებულებისა, ორგანიზაციისა და პირის თხოვნით; უკეთეს, მომქმედი კანონის მიხედვით, ეს ქონება საჭიროებს დაცვას ან გამგებლობას.

2. იმ ქვეყანაში, სადაც არსებობს სსრკ-ის საკონსულო დაწესებულება, მეურვეობას განახორციელებს ეს დაწესებულება ან მის მიერ სპეციალურად დანიშნული მეურვე.

3. იმ ქვეყანაში, სადაც საკონსულო დაწესებულება არ არსებობს, მეურვეობას განახორციელებს მეურვე, რომელსაც დანიშნავს სარაიონო აღმასრულებელი კომიტეტის პრეზიდიუმი ან იმ ქალაქის საქალაქო საბჭოს პრეზიდიუმი, რომელიც რაიონში არ შედის—კუთვნილებისამებრ—იმ ადგილის მიხედვით, სადაც შეტანილია განცხადება მეურვეობის დანიშვნის შესახებ; მეურვე დანიშნება როგორც სსრ-კის მოქალაქეთაგან.

4. ამა დანართის წესით დანიშნულ მეურვეობაზე ვრცელდება კოდექსის მე-III კარით გათვალისწინებული სათანადო წესები“.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 9.

ტფილისი—სასახლე.

320. დადგენილება ც. ა. კ. და ს. კ. ს.

საქორწინო, საოჯახო და სამეურვეო კანონთა კოდექსის 121 მუხლის შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის წესისამებრ (კან. კრ. 1924 წ. 1-ლ №-ი, მუხ. 7) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქორწინო, საოჯახო და სამეურვეო კანონთა კოდექსის 121 მუხლი (კან. კრ. 1930 წ. მე-6 №-ი, მუხ. 56) მიღებულ იქნეს შემდეგი რედაქციით:

„მუხ. 121. დაბადებისა, გარდაცვალებისა და შვილად აყვანის ჩაწერა სწარმოებს უსასყიდლოდ. გამოსაღებისაგან განთავისუფლებულია აგრეთვე თხო-

ენა აღნიშნული აქტების ჩაწერის შესახებ, განცხადება მამობის დამტკიცების შესახებ და თხოვნა ჩანაწერის მოწმობის მიცემის შესახებ.

დაქორწინებისა, განქორწინებისა და სახელის თუ გვარის გამოცვლის აქტების რეგისტრაციისათვის გადახდებიერებულ უნდა იქნეს ერთიანი სახელმწიფო ბაჟი სსრ კავშირის კანონმდებლობაში განსაზღვრული რაოდენობით“.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 9.

ტფილისი-სასახლე.

321. დადგენილება ც. ა. კ. და ს. კ. ს.

სამოქალაქო სამართლის კოდექსის 333 მუხლისა და 334 მუხლის შენიშვნის შეცვლისა და ამავე კოდექსის 339 მუხლისათვის მეორე ნაწილის დამატების შესახებ.

„სააქციო საზოგადოებათა წესდების შეცვლის შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. ივნისის 22-ის დადგენილებისა (სსრკ კან. კრ. 1930 წ. 34 №-ი, მუხ. 369) და სააქციო საზოგადოებათა წესდების დამტკიცების წესის თაობაზე არსებული დადგენილების დამატებისა და შეცვლის შესახებ გამოცემული ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1930 წ. აგვისტოს 28-ის დადგენილების (ა/კფსრ კან. კრ. 1930 წ. მე-16 №-ი, მუხ. 172) შესაბამისად და სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის (საქ. სარ კან. კრ. 1924 წ. 1-ლი №-ი, მუხ. 7) წესისამებრ—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სამოქალაქო სამართლის კოდექსში შეტანილ იქნეს შემდეგი ცვლილებანი:

1. 333 მუხლი და 334 მუხლის შენიშვნა (კან. კრ. 1929 წ. მე-4 № ი, მუხ. 37) მიღებულ იქნეს შემდეგი რედაქციით:

„333. ისეთი სააქციო საზოგადოების წესდებას, რომლის გამგეობაც, წესდების თანახმად, საქართველოს სსრ-ის ტერიტორიაზე უნდა იმყოფებოდეს, დამტკიცებს, 334 მუხლში აღნიშნული გამონაკლისით, საქართველოს სსრ-ის



ის სახალხო კომისარიატი, რომლის გამგებლობასაც ეხება საზოგადოების მოქმედების საგანი.

შენიშვნა. სააქციო საზოგადოების წესდების ის ნაწილი, რაც მის კაპიტალს ეხება, დამტკიცებულ უნდა იქნეს საქართველოს სსრ ფინანსთა სახალხო კომისარიატთან შეთანხმებით“:

334. „**შენიშვნა.** უკეთუ დასაარსებელი სააქციო საზოგადოების მოქმედების საგანი ეხება რამდენიმე სახალხო კომისარიატის გამგებლობას (მუხ. 333), ეკონომიური საბჭოს დადგენილებაში საზოგადოების დაარსების ნებადართვის შესახებ აღნიშნულ უნდა იქნეს, რომელ მათგანს ეკისრება წესდების დამტკიცება“.

II. 339 მუხლს (კან. კრ. 1929 წ. მე-4 №-ი, მუხ. 37) დაემატოს მეორე ნაწილი შემდეგი შინაარსისა:

„პუბლიკაცია სახელმწიფო, შერეული და კოოპერატიული სააქციო საზოგადოების წესდების დამტკიცების შესახებ არ მოხდება. ასეთი საზოგადოებისათვის წესდების დამტკიცების თაზილი სათანადო შემთხვევაში (სააქციო საზოგადოებათა დებულების 22, 28 და 29 მუხ.—სსრკ კან. კრ. 1927 წ. 49 №-ი, მუხ. 500) წესდების დამტკიცების პუბლიკაციის თარიღის სამაგიეროა“.

სრულიად საქართველოს ცენტრალური აღმასრულებელი
კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა
საბჭოს თავმჯდომარე **ფ. მახარაძე.**

სრულიად საქართველოს ცენტრალური აღმასრულებელი
კომიტეტის მდივანი **ხ. თოდრია.**

1930 წ. ნოემბრის 9.

ტფილისი-სასახლე.

პ 22. დადგენილება ც. ა. ქ. და ს. ქ. ს.

სარეწაო კოოპერაციის დებულების მე-12 და 91¹ მუხლების რედაქციის
შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სარეწაო კოოპერაციის დებულების მე-12 და 91¹ მუხლები (საქ. სსრ კან. კრ. 1929 წ. მე-10 №-ი, მუხ. 78 და 1930 წ. მე-13 №-ი, მუხ. 197) მიღებულ იქნეს შემდეგი რედაქციით:

„12. სარეწაო საკრედიტო კოოპერატიული ორგანიზაციები ანაბარებს მიიღებენ ამა დებულების მე-111 კარში გათვალისწინებული წესების მიხედვით.“

სარეწაო კოოპერატიულ ორგანიზაციას, რომელსაც საკრედიტო ფუნქციები არა აქვს, ანაბარის მიღება შეუძლიან იმ საფუძველზე, რაც დაწესებულია სსრ-კის ცენტრალური აღმასრულებელი კომიტეტისა და სახალხო კომისართა საბჭოს 1929 წ. ნოემბრის 6-ის დადგენილებით“ იმ სამომხმარებლო, სასოფლო სამეურნეო და სარეწაო კოოპერატიული ორგანიზაციების საანაბარო ოპერაციების შესახებ, რომელნიც მოქმედებენ არა თანახმად კოოპერატიული კრედიტის დებულებისა.

ანაბარის პროცენტების რაოდენობა განისაზღვრება ამა დებულების 91¹ მუხლის წესისამებრ; ამასთანავე, ეს საპროცენტო განაკვეთები არ უნდა აღემატებოდეს საკრედიტო კოოპერატიული ორგანიზაციების საანაბარო ოპერაციებისათვის დადგენილ განაკვეთებს, ყოველ შემთხვევაში, არ შეიძლება იყოს 12⁰/₆-ზე მეტი წლიურად“.

„91¹. რესპუბლიკანური კავშირი, საქართველოს სსრ ფინანსთა სახალხო კომისარიატის დამტკიცებით, აწესებს საპროცენტო განაკვეთების რაოდენობას იმ ანაბარებისათვის, რასაც მიიღებენ ის სარეწაო კოოპერატიული ორგანიზაციები, რომელთაც საკრედიტო ფუნქციები არა აქვთ, ამა დებულების მე-12 მუხლის მე-2 ნაწილში აღნიშნული წესების თანახმად“.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს
თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 6.
ტფილისი-სასახლე.

323. დადგენილება ც. ა. ქ. და ს. ა. ს.

სახელმწიფო და ადგილობრივ გადასახადთა და გამოსაღებთა გადაუხდელობის წინააღმდეგ ბრძოლის ღონისძიებათა თაობაზე გამოცემული დადგენილების შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღგენენ:

I.

„სახელმწიფო და ადგილობრივ გადასახადთა და გამოსაღებთა გადაუხდელობის წინააღმდეგ ბრძოლის ღონისძიებათა შესახებ“ გამოცემული სრულიად

საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1930 წ. მარტის 11-ის დადგენილების (საქ. სსრ კან. კრ. 1930 წ. მე-9 №-ი, მუხ. 79) 1-ლ, მე-2 და მე-4 მუხლებს დაემატოს შენიშვნები შემდეგი შინაარსისა:

1-ლი მუხლის შენიშვნა. „ისეთ პირად, რომელიც სახელმწიფო და ადგილობრივ გადასახადსა და გამოსაღებს ბოროტი განზოახვით არ იხდის, ჩაითვლება სათანადო სასამართლო ორგანოს მიერ საქართველოს სსრ სისხლის სამართლის კოდექსის 60 მუხლით გათვალისწინებული საზოგადოებრივად საშიში ქმედობისათვის მსჯავრდადებული პირი“.

მე-2 მუხლის შენიშვნა. „ამა მუხლის მოქმედება არ გავრცელდება იმ საკრედიტო და სხვა დაწესებულებაში ქონებულ ანაბარზე, რომლის დებულებითა და წესდებით გათვალისწინებულია სასამართლო წესი ანაბარის შეკერისა“.

მე-4 მუხლის შენიშვნა. „ამა მუხლის მოქმედება არ გავრცელდება დაწესებულებაში (საკრედიტო, კოოპერატიულ და დაწესებულებაში) ქონებულ იმ ანაბარზე, რომელსაც შეეხება ანაბარების საიდუმლოდ შენახვის თაობაზე გამოცემული სპეციალური დადგენილებები“.

II.

საქართველოს სსრ სისხლის სამართლის კოდექსის 60 მუხლის პირველ ნაწილში გათვალისწინებული საზოგადოებრივად საშიში ქმედობის საქმეებს განიხილავს სახალხო მოსამართლე ერთპიროვნულად სასამართლო ბრძანების წესისამებრ.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 9.

ტფილისი-სასახლე.

324. დადგენილება ც. ა. კ. და ს. კ. ს.

სისხლის სამართლის კოდექსისათვის მე-20 მუხლის „ო“ პუნქტისა და 41¹ მუხლის დამატებისა და იმავე კოდექსის 118 მუხლის მეორე ნაწილისა და 134 მუხლის შეცვლის შესახებ.

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების (საქ. სსრ კან. კრ. 1924 წ. 1-ლი №-ი, მუხ. 7) მე-2 მუხლისამებრ— სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. საქართველოს სსრ სისხლის სამართლის კოდექსს დაემატოს მე-20 მუხლის (საქ. სსრ კან. კრ. 1930 წ. მე-10 №-ი, მუხ. 122) „ო“ პუნქტი და 41¹ მუხლი შემდეგი შინაარსისა:

„20. [სასამართლო-გამასწორებელი ხასიათის სოციალური დაცვის ღონისძიება არის]:

ო) მიყენებული ვნების გამოსწორების დაკისრება“.

„41¹. მიყენებული ვნების გამოსწორება დაკისრება მსჯავრდადებულს, უკეთეს სასამართლო მიზანშეწონილად სცნობს, რომ თვით მსჯავრდადებულის მიერ აუცილებელ უნდა იქნეს სამართლის დარღვევის ან დაზარალებულისათვის მიყენებული ზიანის შედეგი.

ხოლო სოციალური დაცვის ეს ღონისძიება არ შეიძლება უფრო მძიმე იყოს, ვიდრე განაჩენში გადაწყვეტილი სოციალური დაცვის ძირითადი ღონისძიება“.

2. საქართველოს სსრ სისხლის სამართლის კოდექსის 118 მუხლის მეორე ნაწილი (საქ. სსრ კან. კრ. 1929 წ. 21 №-ი, მუხ. 234) და 134 მუხლი შეიცვალოს და მიღებულ იქნეს შემდეგი რედაქციით:

„118 (მე-2 ნაწ.) ყველა სხვა შემთხვევაში ხელისუფლების ან სამსახურბერივი უფლებამოსილობის გადამეტება, უმოქმედობა და სამსახურის მოვალეობის უგულვებელყოფა, უკეთეს ეს მოქმედება არ შეიცავს ამა მუხლის 1-ლი ნაწილი და 114—117 მუხლებით გათვალისწინებულ ნიშნებს,—

იძულებით მუშაობას ექვს თვემდე ან თანამდებობიდან დათხოვნას მიყენებული ვნების გამოსწორების დაკისრებით ან უამისოდ“.

„134. უყარათობა, რომელსაც საფუძვლად აქვს სახელმწიფო საზოგადოებრივი ან კოოპერატიული დაწესებულებისა თუ საწარმოს და მისი ცალკე ნაწილის სათავეში მდგომი პირის ან რწმუნებულის დაუდევარი ან არაკეთილსინდისიერი მოპყრობა მისთვის მინდობილი საქმისადმი, რასაც შედეგად მოჰყვება

დაწესებულებისა თუ საწარმოს ქონების გაფლანგვა ან აუნაზღაურებელი ზიანი, გამოიწვევს

თავისუფლების აღკვეთას სამ წლამდე, ხოლო უკეთეს მიყენებული ზიანი უმნიშვნელოა — იძულებით მუშაობას ექვს თვემდე ან თანამდებობიდან დათხოვნას მიყენებული ვნების გამოსწორების დაკისრებით ან უამისოდ“.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს
თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 9.
ტფილისი—სასახლე.

325. დადგენილება ც. ა. კ. და ს. კ. ს.

სისხლის სამართლის კოდექსისათვის 205¹ მუხლის დამატების შესახებ.

ფასიანი ქალაქებისა და ფულის სუროგატების სახმარებლად გამოშვების წესის შესახებ გამოცემული სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1930 წ. ივნისის 3-ის დადგენილების (სსრკ კან. კრ. 1930 წ. 32 №-ი, მუხ. 345) მე-5 მუხლის თანახმად და სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების (საქ. სსრ კან. კრ. 1924 წ. 1-ლი №-ი, მუხ. 7) მე-2 მუხლის წესისამებრ—სრულიად საქართველოს ცენტრალური აღმასრულებელი კომიტეტი და საქართველოს სახალხო კომისართა საბჭო აღგენენ;

სისხლის სამართლის კოდექსს დაემატოს 205¹ მუხლი შემდეგი შინაარსისა:
„205¹. ფასიანი ქალაქებისა და ფულის სუროგატების დამზადებისა და გამოშვებისათვის კანონით დადგენილი წესის დარღვევა გამოიწვევს თავისუფლების აღკვეთას ან იძულებით მუშაობას ერთ წლამდე ან ჯარიმას ათას მანეთამდე“.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

საქართველოს სახალხო კომისართა საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი
კომიტეტის მდივანი ს. თოდრია.

1930 წ. ნოემბრის 9.
ტფილისი—სასახლე.

326. დადგენილება ც. ა. კ. და ს. ა. ს.

სავალდებულო სამხედრო სამსახურის კანონის ახალი რედაქციის სამოქმედოდ შემოღების გამო სისხლის სამართლის კოდექსის ზოგიერთი მუხლის შეცვლისა და დამატების შესახებ.

სავალდებულო სამხედრო სამსახურის კანონის ახალი რედაქციის სამოქმედოდ შემოღების შესახებ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. აგვისტოს 13-ის დადგენილების (სსრკ-ის კან. კრ. 1930 წ. 40 №-ი, მუხ. 423) VIII, IX და XI კარის თანახმად და სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღის და 77 №-ის დადგენილების (საქ. სსრ კან. კრ. 1924 წ. 1-ლი №-ი, მუხ. 7) მე-2 მუხლის წესისამებრ—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I. სისხლის სამართლის კოდექსის 58¹⁸ და 58¹⁹ მუხლები მიღებულ იქნეს შემდეგი რედაქციით:

„58¹⁸. ნამდვილ სამხედრო სამსახურში მორიგი გაწვევისაგან თავის არიდება გამოიწვევს იძულებით მუშაობას ერთ წლამდე.

ნამდვილ სამხედრო სამსახურში მორიგი გაწვევისაგან თავის არიდება დამამძიმებელ გარემოებაში, კერძოდ, თავისი სხეულის დაზიანებით, ავადმყოფობის სიმულაციით, ყალბი დოკუმენტის გაკეთებით, თანამდებობის პირის მოსყიდვით და სხვ. ან რელიგიური რწმენის მომიჯნავეობით, გამოიწვევს თავისუფლების აღკვეთას ხუთ წლამდე“.

„58¹⁹. სავალდებულო სამხედრო სამსახურისაგან რელიგიური რწმენის გამო განთავისუფლებული პირისა და ზურგის ლაშქარში ჩარიცხული პირის მიერ ზურგისა და ფრონტის მომსახურეობისათვის მოწყობილ გუნდებში გაწვევისაგან თავის არიდება გამოიწვევს

თავისუფლების აღკვეთას არა ნაკლებ ერთი წლისა“.

II. სისხლის სამართლის კოდექსს დაემატოს 67¹ მუხლი შემდეგი შინაარსისა:

„67¹. სავალდებულო სამხედრო სამსახურისაგან რელიგიური რწმენის გამო განთავისუფლებული პირისა და ზურგის ლაშქარში ჩარიცხული პირის მიერ მათთვის დანიშნული საერთო-სასარგებლო მუშაობის შესრულებისაგან თავის არიდება გამოიწვევს

თავისუფლების აღკვეთას ან იძულებით მუშაობას ერთ წლამდე.

იგივე ქმედობა, ჩადენილი პირთა ჯგუფის მიერ, ურთიერთშორის წინასწარი შეთანხმებით, ხელისუფლების ორგანოსათვის მუშაობის შესრულების საქმეში აქტიური წინააღმდეგობის გაწვევით—

61 მუხლის 3 ნაწილით გათვალისწინებულ სოციალური დაცვის ღონისძიებას“.

III. სამხედრო დანაშაულთა დებულების (სისხლის სამართლის კოდექსის დანართი) მე-10 მუხლი მიღებულ იქნეს შემდეგი რედაქციით:

„10. ა) არაპატივსაცემი მიზეზით სამსახურში თავის დროზე გამოუცხადებლობა თანამდებობაზე დანიშნვისა და ერთი ადგილიდან მეორეზე გადაყვანის დროს და აგრეთვე წარუღიწიებლად ან შვებულებიდან გამოიწვევს

პასუხისმგებლობას 7, 8 და 9 მუხლების საფუძველზე.

ბ) სამხედრო სამსახურისა და მოთადარიგის არაპატივსაცემი მიზეზით თავის დროზე გამოუცხადებლობა სასწავლო შეკრებაზე, მანევრებზე ან სხვა რამე სასწავლო მეცადინეობაზე და აგრეთვე საცდელი მობილიზაციისათვის დაწესებულ გაწვევაზე გამოიწვევს

პასუხისმგებლობას იმავე საფუძველზე“.

IV. სამხედრო დანაშაულთა დებულებას დაემატოს 10¹ მუხლი შემდეგი შინაარსისა:

„10¹. მუშათა და გლეხთა წითელი არმიის რიგებში მობილიზაციით გაწვევისაგან და მუშათა და გლეხთა წითელი არმიის ომიანობის დროის შედგენილობის შესავსებად შემდგომი გაწვევისაგან თავის არიდება გამოიწვევს

თავისუფლების აღკვეთას არა ნაკლებ ერთი წლისა, ხოლო თავმდგამთა შედგენილობის პირისათვის—არა ნაკლებ ორი წლისა, მთელი ქონების ან ქონების ნაწილის კონფისკაციით, განსაკუთრებით დამამძიმებელ გარემოებაში კი სოციალური დაცვის ღონისძიება აიწვევს უმაღლეს ღონისძიებამდე—დახვრეტამდე, ქონების კონფისკაციით“.

სრულიად საქართველოს ცენტრალური

აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

სრულიად საქართველოს ცენტრალური

აღმასრულებელი კომიტეტის მდივანი ს. თოდრია.

1930 წ. ნოემბრის 9.

ტფილისი—სასახლე.

327. დადგენილება ც. ა. კ. და ს. კ. ს.

საქართველოს სსრ 1928 წ. რედაქციის სისხლის სამართლის კოდექსით გათვალისწინებულ დანაშაულთა საქმეების ქვემდებარეობის თაობაზე გამოცემული დადგენილების 1-ლი კარის მე-2 მუხლის შეცვლის შესახებ.

სრულიად საქართველოს აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

„საქართველოს სსრ 1928 წლის რედაქციის სისხლის სამართლის კოდექსით გათვალისწინებულ დანაშაულთა საქმეების ქვემდებარეობის შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წლის მარტის 11-ის თარიღისა და 57 №-ის დადგენილების (საქ. სსრ კან. კრ. 1928 წ. 11- №-ი, მუხ. 106, 1930 წ. მე-2 №-ი, მუხ. 17) 1-ლი კარის მე-2 მუხლი შეიცვალოს და მიღებულ იქნეს შემდეგი რედაქციით:

„2. სახალხო მოსამართლე ერთპიროვნად, სასამართლო ბრძანების წესით, განიხილავს საქმეებს ისეთი ქმედობის შესახებ, რაც გათვალისწინებულია სისხლის სამართლის კოდექსის 60 მუხლის 1 ნაწ., 64 და 65 მუხ., 68 მუხ. 3 ნაწ., 73 მუხ., 75 მუხ. 1 ნაწ., 90, 93, 102, 103¹, 112, 113 და 198 მუხ., 200 მუხ. 1 და 2 ნაწ., 202 მუხ. 1 ნაწ., 203—207 მუხ., 208 მუხ. 1 ნაწ. და 209—211 მუხლებში“.

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

სრულიად საქართველოს ცენტრალური
აღმასრულებელი კომიტეტის მდივანი ს. თოდრია.

1930 წ. ნოემბრის 9.
ტფილისი—სასახლე.



ცენტრალური აღმასრულებელი კომიტეტის დადგენილება

328. დადგენილება ც. ა. კ.

ფიზკულტურის კურსებზე მოსწავლე მუშა-მოსამსახურეთა მუშაობისაგან განთავისუფლებისა და მათთვის საშუალო ხელფასის შენარჩუნების შესახებ.

სრულიად საქართველოს ცენტრალური აღმასრულებელი კომიტეტი ადგენს: ის მუშა-მოსამსახურენი, რომელნიც სათანადო ორგანოების განკარგულებით გაიგზავნებიან ფიზკულტურის კურსებზე სასწავლად 1930 წლის ოქტომბრის 20-დან 1931 წლის იანვრის 20-მდე განთავისუფლებულ იქნენ საწარმოსა და დაწესებულებაში მუშაობისაგან აღნაშნული დროის განმავლობაში და ამავე დროს განმავლობაში მათ შეენახოთ მათი ადგილი და საშუალო სამუშაო ხელფასი.

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

სრულიად საქართველოს ცენტრალური
აღმასრულებელი კომიტეტის მდივანი ს. თოდრაია.

1930 წ. ოქტომბრის 4.

ტფილისი—სასახლე.

გამოქვეყნებულია გაზ. „კომუნისტის“ 238 №-ში 1930 წ. ოქტომბრის 11.

329. დადგენილება ც. ა. კ.

ფიზიკური კულტურის სარაიონო საბჭოების დებულების დამტკიცების შესახებ.

სრულიად საქართველოს ცენტრალური კომიტეტი ადგენს:

დამტკიცებულ და გამოქვეყნებულ იქნეს დებულება ფიზიკური კულტურის სარაიონო საბჭოების შესახებ.

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

სრულიად საქართველოს ცენტრალური
აღმასრულებელი კომიტეტის მდივანი ს. თოდრაია.

1930 წ. ოქტომბრის 24.

ტფილისი—სასახლე.

დ ე ბ უ ლ ე გ ა

ფიზიკური კულტურის სარაიონო საბჭოების შესახებ.

1. უწყებებისა და საზოგადოებრივი ორგანიზაციების მიერ (პროფკავშირი, კომკავშირი, კოოპერაცია, თავისუფალი საზოგადოება და სხვ.) რაიონის ტერიტორიაზე წარმოებული საფიზკულტურო მუშაობის სფეროში სახელმწიფო ცენტრალიზებული ხელმძღვანელობის განხორციელებისათვის და ამ მუშაობის გაერთიანებისა, დაგეგმვისა და კონტროლისათვის—სარაიონო აღმასრულებელ კომიტეტებთან მოეწყობა ფიზიკური კულტურის სარაიონო საბჭოები.

ფიზიკური კულტურის სარაიონო საბჭო ხელმძღვანელობას გაუწევს მთელს საფიზკულტურო მუშაობას იმ პოლიტიკური, ეკონომიური და კულტურული ამოცანების მიხედვით, რაც მის წინაშე სოციალისტური მშენებლობისა და საბჭოთა კავშირის თავდაცვის უნარის განმტკიცების სფეროში სდგას.

ფიზიკური კულტურის სარაიონო საბჭოს ამოცანები.

2. ფიზიკური კულტურის სარაიონო საბჭოს გამგებლობის საგანს შეადგენს:

ა) განახორციელოს რაიონის ფარგლებში ფიზკულტურის ზემდგომი საბჭოებისა და სარაიონო აღმასრულებელი კომიტეტის ყველა დადგენილება ფიზკულტურის შესახებ, ხელმძღვანელობა და კონტროლი გაუწიოს ყველა უწყებისა და ორგანიზაციის (ჯანმრთელობის განყოფილება, განათლების განყოფილება, კოლმეურნეობათა კავშირი, სამხედრო უწყება, კომკავშირი, პროფკავშირი, კოოპერაცია და სხვ.) საორგანიზაციო-პოლიტიკურ, სასწავლო-სამეთოდო და სასპორტო-სატექნიკო მოქმედებას ფიზკულტურის სფეროში; უზრუნველყოს აღნიშნული ორგანიზაციებისა და ფართო მასების მაქსიმალური მონაწილეობა ფიზკულტურის საბჭოს მუშაობაში;

ბ) ხელი შეუწყოს ფიზიკური მომზადების განხორციელებას წვევამდებლთა შორის და ცვალებად შედგენილობაში, აგრეთვე არმიისა და ფლოტის ნაწილების ჩაბმას ფიზკულტურის სამოქალაქო ორგანიზაციების მუშაობაში გამხედროების ხაზით;

გ) შეიმუშაოს და დაამტკიცოს ყველა პროგრამა და კალენდარი ფიზკულტურის სარაიონო და სარაიონოთაშორისო დღესასწაულების ორგანიზაციისა და ჩატარების, საფიზკულტურო გამოსვლებისა, შეჯიბრებისა, გამოფენებისა და ლაშქრობის, რაც მიმართული იქნება იმისათვის, რომ ფიზკულტურის ორგანიზაციებმა მონაწილეობა მიიღონ საზოგადოებრივ პოლიტიკურ ცხოვრებაში და პარტიულ საბჭოთა, პროფკავშირის და სხვა ორგანიზაციების კულტურულ-სამეურნეო ღონისძიებათა განხორციელებაში;

დ) განიხილოს და დაამტკიცოს უწყებებისა და ორგანიზაციების საფიზკულტურო მუშაობის გეგმები;

ე) პერიოდულად მოიწვიოს ხოლმე თათბირები და კონფერენციები ფიზიკური კულტურის საკითხების შესახებ;

ვ) მოაწყოს მოკლე ვადიანი კურსები და სემინარიები ფიზკულტურის წრეებისა, სკოლებისა და მოედნების მომუშავეთა კვალიფიკაციის ასამაღლებლათ, მათ მოსამზადებლათ და გადასამზადებლათ; დახმარება გაუწიოს ამ მუშაობაში უწყებებსა და ორგანიზაციებს; ხელი შეუწყოს დაუსწრებელი განათლების საქმეს ფიზკულტურის დარგში; შეარჩიოს საფიზკულტურო სასწავლებლებში შემსვლელნი და რეკომენდაცია მისცეს მათ;

ზ) კონტროლი გაუწიოს რაიონში წარმოებულ საფიზკულტურო ნაგებობათა მშენებლობას ყველა უწყებისა და ორგანიზაციის ხაზით;

აღნუსხოს, გაანაწილოს და შეამოწმოს რაიონის ტერიტორიაზე მომუშავე ინსტრუქტორთა მუშაობა და აგრეთვე აღნუსხოს ფიზიკური კულტურის აქტივი;

ი) მონაწილეობა მიიღოს სოციალისტური კულტურის სახელობის საფიზკულტურო მუშაობაში;

კ) აწარმოოს სააგიტაციო-საპროპაგანდო და ინტერნაციონალური მუშაობა; ხელი შეუწყოს საფიზკულტურო ბეჭდვითი სიტყვის გავრცელებას. მონაწილეობა მიიღოს ადგილობრივ ბეჭდვითი სიტყვის ორგანიზებში და აგრეთვე შექმნას ფიზკულტურის კორესპონდენტთა ქსელი;

ლ) მოაწყოს სარაიონო დღესასწაულები, შეჯიბრები, გამოფენები და სხვა.

ფიზიკური კულტურის სარაიონო საბჭოს უფლებანი.

3. მე-2 მუხლში აღნიშნული ამოცანების განსახორციელებლათ ფიზკულტურის სარაიონო საბჭოს უფლება ეძლევა:

ა) გამოიკვლიოს ყველა უწყებისა და ორგანიზაციების მოქმედება საფიზკულტურო წრეების მუშაობის სფეროში და აგრეთვე ინსტრუქტირება გაუწიოს მათ;

ბ) მოისმინოს ხოლმე უწყებებისა, ორგანიზაციებისა და ცალკეული საფიზკულტურო წრეების პერიოდული მოხსენებანი საფიზკულტურო მუშაობის შესახებ და აგრეთვე დაამტკიცოს უწყებებისა და ორგანიზაციების მუშაობის გეგმები;

გ) გასწიოს კონტროლი, რათა ყველა უწყებამ და ორგანიზაციამ და აგრეთვე საფიზკულტურო წრეებმა შეასრულონ ზემდგომი საფიზკულტურო ორგანიზაციების დირექტივები; თვალყური ადევნოს აღნუსხვის წარმოების საქმეს;

დ) შეიტანოს სარაიონო აღმასრულებელი კომიტეტის პრეზიდიუმში პროექტი სავალდებულო დადგენილებისა რაიონში წარმოებულ საფიზკულტურო მუშაობასთან დაკავშირებული საკითხების შესახებ.

4. ფიზიკური კულტურის სარაიონო საბჭოს პრეზიდიუმის გადაწყვეტილება სავალდებულოა ყველა უწყებისა და ორგანიზაციისათვის, რომელიც უწყებულ რაიონში საფიზკულტურო მუშაობას აწარმოებს.

ფიზკულტურის სარაიონო საბჭოს პრეზიდიუმის დადგენილება შეიძლება განსაზღვრებულ იქმნეს სარაიონო აღმასრულებელი კომიტეტის პრეზიდიუმში და აგრეთვე ფიზკულტურის რესპუბლიკანურ საბჭოში.

ფიზიკური კულტურის სარაიონო საბჭოს პლენუმის შედგენილობა.

5. ფიზკულტურის სარაიონო საბჭოს შედგენილობაში, რომელიც შესდგება რიცხვით 17 კაციდან 35 კაცამდე, შედიან სარაიონო აღმასრულებელი კომიტეტის პრეზიდიუმის მიერ, თავისი შეხედულებებისამებრ, პერსონალურათ დანიშნული პირნი და წარმომადგენელნი:

- ა) ახალგაზრდა ლენინელთა კომკავშირისა;
- ბ) პროფესიონალური კავშირებისა;
- გ) სამხედრო უწყებისა;
- დ) სახალხო განათლების განყოფილებისა;
- ე) ჯანმრთელობის განყოფილებისა;
- ვ) ადმინისტრაციული განყოფილებისა (კომუნალურ მეურნეობის ხაზით);
- ზ) საზოგადოება „დინამო“-სი;
- თ) თავდაცვა ავიოქიმის საზოგადოებისა;
- ი) კოოპერაციისა;
- კ) ფიზიკური კულტურის წრეებისა;
- ლ) წყალში დაღუპვისაგან გადარჩენის საზოგადოებისა;
- მ) კოლმეურნეობათა კავშირისა;
- ნ) სარეწაო კოოპერაციისა;
- ო) შრომის დაცვის განყოფილებისა და სხვა.

6. ფიზკულტურის სარაიონო საბჭოს პერსონალურ შედგენილობას დაამტკიცებს სარაიონო აღმასკომის პრეზიდიუმი; ამასთანავე ფიზკულტურის სარაიონო საბჭოს შედგენილობას არა ნაკლებ 70% უნდა იყვნენ მუშები და მშრომელი გლეხები (ფიზკულტურის სარაიონო საბჭოს შედგენილობის 50% შეესებულ უნდა იქმნეს პროფკავშირების წრეებისა და საფიზკულტურო ორგანოების წარმომადგენლებისაგან).

7. მიმდინარე მუშაობის ხელმძღვანელობისათვის ფიზკულტურის სარაიონო საბჭო აირჩევს პრეზიდიუმს 5-დან 9 კაცამდე, რომელსაც აგრეთვე დაამტკიცებს სარაიონო აღმასკომის პრეზიდიუმი.

8. სარაიონო საბჭოს პლენუმი შეიკრიბება 3 თვეში ერთხელ მაინც.

9. სარაიონო საბჭოს თავმჯდომარე და მდივანი არჩეულ უნდა იქმნენ ფიზკულტურის სარაიონო საბჭოს პლენუმზე პრეზიდიუმის წევრთა რიცხვიდან.

10. სარაიონო საბჭოსთან შეიძლება მოეწყოს მუდმივი და დროებითი კომისიები.

11. შტატებს განსაზღვრავენ სათანადო ორგანოები არსებული წესისამებრ.

12. ფიზკულტურის სარაიონო საბჭოს მომსახურეობას გაუწევს სარაიონო აღმასკომის ტეხნიკური აპარატი.

13. ფიზკულტურის სარაიონო საბჭოს ხარჯთაღრიცხვა შეიტანება სათანადო აღმასკომის ხარჯთაღრიცხვაში — სოციალურ-კულტურული ხარჯების კარში.

14. ფიზკულტურის სარაიონო საბჭო სარგებლობს სარაიონო აღმასკომის შტამპსა და ბეჭედს.

330. დადგენილება ც. ა. კ.

უმაღლეს სასწავლებლებსა, უმაღლეს ტექნიკურ სასწავლებლებსა, ტექნიკუმებსა, მუშათა ფაკულტეტებსა და საქარხნო-საფაბრიკო სასწავლებლებში ფიზიკური აღზრდის განმტკიცებისათვის საჭირო ღონისძიებათა შესახებ.

სრულიად საქართველოს ცენტრალური აღმასრულებელი კომიტეტი აღნიშნავს, რომ როგორც ცენტრალური ორგანოები, ისე უმაღლესი ტექნიკური სასწავლებლებისა და ტექნიკუმების ადმინისტრაცია ძალიან სუსტათ ასრულებენ სსრკ-ის ცენტრალური აღმასრულებელი კომიტეტის, საკავშირო კომუნისტური პარტიის (ბ) ამიერკავკასიის საოლქო კომიტეტის და ამიერკავკასიის და სრულიად საქართველოს ცენტრალური აღმასრულებელი კომიტეტის გადაწყვეტილებებსა და დირექტივებს პროლეტარულ სტუდენტობის და ახალგაზრდობის ფიზიკური აღზრდისა და გაჯანსაღების საქმეში, რის გამოც სასწავლებლების საერთო განმანათლებელი მუშაობის სისტემაში ფიზიკურ-კულტურას ჯერ კიდევ ვერ დაუჭერია სათანადო ადგილი და ვერ მოუპოვებია შესაფერისი ხვედრითი წონა სხვა საგანთა შორის.

ამასთანავე, უმაღლესი სასწავლებლების გამხედროებასთან დაკავშირებით, სადაც ფიზიკურ კულტურას საპატიო ადგილი უნდა ექიროს, შემჩნეულია, უმაღლესი ორგანოების მრავალი გაფრთხილების მიუხედავად, — პარალელში და მუშაობის შეუთანხმებლობა.

ზემოაღნიშნულის გამო და ამ საგანზე წინათ მიღებულ დადგენილებათა განსაივითარებლათ სრულიად საქართველოს ცენტრალური აღმასრულებელი კომიტეტი ადგენს:

1. წინადადება მიეცეს საქართველოს ფიზიკური კულტურის უმაღლეს საბჭოს და განათლების სახალხო კომისარიატს გააძლიერონ უმაღლესი სასწავლებლებისა, უმაღლესი ტექნიკური სასწავლებლებისა და ტექნიკუმებისათვის გაწევა ფიზკულტურის სფეროში, რისთვისაც განათლების სახალხო კომისარიატთან უნდა მოეწყოს სასწავლებლების კომისია.

2. წინადადება მიეცეს განათლების, ჯანმრთელობის და მიწათმოქმედების სახალხო კომისარიატებს, საქართველოს სახალხო მეურნეობის უმაღლეს საბჭოს, ვაჭრობის სახალხო კომისარიატს, ცეკავშირს და საზოგადოება „საქართველოს ჩაი“-ს იხმარონ გადამწყვეტი ღონისძიება ფიზკულტურის დარგის ხარჯთაღრიცხვების გადიდებისათვის ისე, რომ უზრუნველყოფილ იქნეს საფიზკულტურო მუშაობის ნორმალური მსვლელობა.

3. დაევალოს განათლების სახალხო კომისარიატს მიმდინარე სასწავლო წლიდანვე მოაწყოს სამხედრო-საფიზკულტურო საგნობრივი კომისიები ყველა იმ უმაღლეს სასწავლებლებსა და უმაღლეს ტექნიკურ სასწავლებლებში, სადაც ასეთი კომისიები წინათ დაარსებული არ ყოფილა.

4. წინადადება მიეცეს განათლების სახალხო კომისარიატს და აგრეთვე ყველა იმ სამეურნეო და სახელმწიფო ორგანოს, რომლის გამგებლობაშიაც უმაღლესი სასწავლებლებისა და ტექნიკუმების ნაწილი გადავიდა (ჯანმრთელო-

ბის, მიწათმოქმედების და ვაჭრობის სახ. კომისარიატები, სახალხო მეურნეობის უმაღლესი საბჭო, ცეკავშირი, საქართველოს ჩაი და სხვ.); დააკისრონ უმაღლესი სასწავლებლების დირექტორებს პასუხისმგებლობა ფიზკულტურის საქმის დაყენებისათვის; ამასთანავე სამხედრო ხელმძღვანელებიც არ უნდა იქმნენ განათავისუფლებული პასუხისმგებლობისაგან საფიზკულტურო მუშაობის ხარისხისათვის.

5. წინადადება მიეცეს განათლების სახალხო კომისარიატს და საქართველოს ფიზკულტურის უმაღლეს საბჭოს განსაკუთრებული ყურადღება მიაქციონ უმაღლესი სასწავლებლებსა და ტექნიკუმებში სამეთოდო, საპროგრამო და სასპორტო სატექნიკო საკითხების შესწავლას და დამუშავებას.

6. საათების არსებული რაოდენობის შემცირება, ამ საათების სასწავლო გეგმებიდან გამორიცხვა და მათი საკლებო მეცადინეობაში გადატანა უნდა ჩაითვალოს როგორც სრული არ გაგება და უყურადღებობა საკავშირო კომპარტიის (ბ) ცენტრალურ კომიტეტისა და სსრკ-ის ცენტრალური აღმასრულებელი კომიტეტის დირექტივებისადმი ფიზკულტურაში ყველა ფენების მაქსიმალურათ ჩაბმის შესახებ და აგრეთვე ფიზკულტურის სავალდებულო საგნათ საკმაო მასშტაბით შემოღების შესახებ; თანაც ეს გარემოება კვალიფიცირებულ უნდა იქმნეს როგორც შეუფასებლობა ხელმძღვანელი ორგანოების გადაწყვეტილებათა პოლიტიკური მნიშვნელობისა, რაც ხელს უწყობს ახალგაზრდა მოზარდი ორგანიზმების ძალღონის დაზიანებას მათი გაძლიერებული გონებრივი და საწარმოო დატვირთვის დროს. მიეცეს სახალხო მეურნეობის უმაღლეს საბჭოს განსაკუთრებული ყურადღება კადრების განყოფილების დაუშვებელ თვითნებობას საქარხნო-საფაბრიკო სასწავლებლების საფიზკულტურო საათების შემცირების საქმეში და აგრეთვე მიეცეს ჯანმრთელობისა და განათლების სახალხო კომისარიატების ყურადღება იმ გარემოებას, რომ დაუშვებელი დაყოფებით ხორციელდება სრულიად საქართველოს ცენტრალური აღმასრულებელი კომიტეტის 5 ს დადგენილება სამედიცინო და პედაგოგიურ ფაკულტეტებზე ფიზკულ-1930 წლის მარტურის კათედრების შემოღების შესახებ სათანადო ასისტენტურითა და ასპირანტურითა.

7. წინადადება მიეცეს განათლების და ჯანმრთელობის სახალხო კომისარიატებს უზრუნველჰყონ, რათა ყველა სდუდენტმა აუცილებლათ გაიაროს მეცადინეობა ფიზკულტურის დარგში სამედიცინო მეთვალყურეობით, რისთვისაც გადიდებულ უნდა იქმნეს იმ ექიმთა რიცხვი, რომელნიც უმაღლესი სასწავლებლებსა და ტექნიკუმებს მომსახურობას უწყევნ.

8. რადგანაც საფიზკულტურო მუშაობა უმაღლესი სასწავლებლებსა და ტექნიკუმებში უნდა სწარმოებდეს არა მარტო სავალდებულო საფიზკულტურო აღზრდის ორგანიზაციის ხაზით (სრ. საკავშირო კომპარტიის (ბ) ცენტრ. კ-ტის საორგანიზაციო ბიუროს გადაწყვეტილების საფუძველზე), არამედ ნებაყოფლობითი სკოლის გარეშე მუშაობის ფორმითაც, — წინადადება მიეცეს ფიზკულტურის უმაღლეს საბჭოს, განათლების სახალხო კომისარიატთან და საქართველოს პროფკავშირთა საბჭოსთან ერთად, შეიმუშაოს უმაღლესი სასწავლებლებსა და ტექნიკუმებში საფიზკულტურო მუშაობის განვითარების კონკრეტული გეგმა



და განსაზღვროს,—პარალელიზმისა და მუშაობის შეუთანხმებლობის თავიდან ასაცილებლათ,—უმალესი სასწავლებლების სასწავლო ნაწილებისა და პროფკავშირების საფიზკულტურო შენაერთების ხელმძღვანელობის ურთიერთი დამოკიდებულება.

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

სრულიად საქართველოს ცენტრალური
აღმასრულებელი კომიტეტის მდივანი ს. თოდრია.

1930 წ. ოქტომბრის 24.

ტფილისი—სასახლე.

331. დადგენილება ც. ა. კ.

სარაიონო აღმასრულებელი კომიტეტების სტრუქტურისა, შტატებისა და მომუშავეთა ხელფასის განაკვეთების იმ ნაწილის შეცვლისათვის, რაც შრომისა და სოციალური უზრუნველყოფის ინსპექტორის თანამდებობას შეეხება.

სრულიად საქართველოს ცენტრალური აღმასრულებელი კომიტეტის ა/წ. სექტემბრის 19-ის დადგენილებით დამტკიცებული სარაიონო აღმასრულებელი კომიტეტების სტრუქტურისა, შტატებისა და მომუშავეთა ხელფასის განაკვეთების შესაცვლელად—სრულიად საქართველოს ცენტრალური აღმასრულებელი კომიტეტი ადგენს:

შრომისა და სოციალური უზრუნველყოფის ინსპექტორის თანამდებობა გამოყოფილ იქნეს სოციალურ-კულტურული განყოფილების შედგენილობიდან და იგი უშუალოდ დაუქვემდებაროს სარაიონო აღმასრულებელი კომიტეტის პრეზიდიუმს; თანაც დაწესებულ იქნეს ამ თანამდებობისათვის სამუშაო ხელფასის შემდეგი განაკვეთები:

I კატეგორიის რაიონებში	125 მან.
II კატეგორიის რაიონებში	140 „
III კატეგორიის რაიონებში	170 „

სრულიად საქართველოს ცენტრალური
აღმასრულებელი კომიტეტის თავმჯდომარე მ. ცხაკაია.

სრულიად საქართველოს ცენტრალური
აღმასრულებელი კომიტეტის მდივანი ს. თოდრია.

1930 წ. ნოემბრის 4.

ტფილისი—სასახლე.

სახალხო კომისართა საბჭოს დადგენილება

332. დადგენილება ს. კ. ს.

შრომის სახალხო კომისარიატისათვის შეუწყვეტელი საწარმოო კვირის ჩატარების ხელშეწყობის და მეთვალყურეობის დაკისრებისა და საქართველოს სსრ სახალხო მეურნეობის შეუწყვეტელ საწარმოო კვირაზე გადაყვანილ რესპუბლიკანური საუწყებთაშორისო კომისიის გაუქმების შესახებ.

„საწარმოთა და დაწესებულებათა შეუწყვეტელ წარმოებაზე გადაყენისათვის ა/კსფსრ სახალხო კომისართა საბჭოსთან არსებული მთავრობის კომისიის გაუქმების შესახებ“ გამოცემული ა/კსფსრ სახალხო კომისართა საბჭოს 1930 წ. ოქტომბრის 18-ის დადგენილების („ზარია ვოსტოკა“-ს 1930 წ. 293 №-ი) შესაბამისად—საქართველოს სსრ სახალხო კომისართა საბჭო ადგენს:

1. ხელშეწყობა და მეთვალყურეობა საქართველოს სსრ ტერიტორიაზე შეუწყვეტელი საწარმოო კვირის შემდგომი განხორციელებისათვის დაეკისროს საქართველოს სსრ შრომის სახალხო კომისარიატს.

2. საქართველოს სსრ სახალხო მეურნეობის შეუწყვეტელ საწარმოო კვირაზე გადაყვანილ რესპუბლიკანური საუწყებთაშორისო კომისია და საქართველოს სსრ სახალხო კომისართა საბჭოს 1929 წ. აგვისტოს 23-ის დადგენილებით (კან. კრ. 1929 წ. მე-20 №-ი, მუხ. 229) დამტკიცებული დებულება ამ კომისიის შესახებ გაუქმებულ იქნეს.

საქართველოს სსრ სახალხო კომისართა

საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს

საქმეთა მმართველის მოადგილე ა. ანთაძე.

1930 წ. ნოემბრის 15.

ტფილისი—სასახლე.

333. დადგენილება ს. კ. ს.

სამეურნეო ანგარიშის საფუძველზე მომქმედი სახელმწიფო ორგანოებისა და კოოპერაციის საადმინისტრაციო-საგამგებლო ხარჯების შესახებ.

„სამეურნეო ანგარიშის საფუძველზე მომქმედი სახელმწიფო ორგანოებისა და კოოპერაციის საადმინისტრაციო-საგამგებლო ხარჯების მოწესრიგების შესახებ“ გამოცემული ა/კსფსრ სახალხო კომისართა საბჭოს 1930 წ. ოქტომბრის 8-ის დადგენილების („ზარია ვოსტოკა“-ს 281 №-ი, 1930 წ. ოქტომბრის 17-ისა) მე-4 მუხლის თანახმად, —რათა გადაჭრით შემცირებულ იქნეს ზემოაღნიშნული ორგანოების საადმინისტრაციო-საგამგებლო ხარჯები 1930 წ. ოქტომბერ-დეკემბრის კვარტალში და 1931 წლის, —საქართველოს სახალხო კომისართა საბჭო ადგენს:

1. სამეურნეო ანგარიშის საფუძველზე მომქმედი რესპუბლიკანური მნიშვნელობის სახელმწიფო ორგანოების 1930 წლის ოქტომბერ-დეკემბრის კვარტალისა და 1931 წლის საადმინისტრაციო-საგამგებლო ხარჯებისათვის შედგენილი შტატების და ხარჯთაღრიცხვების დამტკიცება დაეკისროს საქართველოს სსრ-ის იმ სახალხო კომისარიატებს, რომელთა გამგებლობაშია ეს სახელმწიფო ორგანოები.

სამეურნეო ანგარიშის საფუძველზე მომქმედ, ადგილობრივი მნიშვნელობის და დაწესებულებათა და საწარმოთა საადმინისტრაციო-საგამგებლო ხარჯებისათვის შედგენილ შტატებსა და ხარჯთაღრიცხვებს დაამტკიცებენ აღმასრულებელი კომიტეტების ის განყოფილებანი, რომელთა გამგებლობაშია აღნიშნული დაწესებულებანი და საწარმონი არიან.

2. რესპუბლიკანური კოოპერატიული ცენტრებისა და ადგილობრივი კოოპერატიული ორგანიზაციების საადმინისტრაციო-საგამგებლო ხარჯებისათვის შედგენილ შტატებსა და ხარჯთაღრიცხვებს დაამტკიცებენ ამ ცენტრებისა და ორგანიზაციების გამგებანი საქართველოს სსრ მუშათა და გლეხთა ინსპექციის სახალხო კომისარიატთან და მის ადგილობრივ ორგანოებთან შეთანხმებით.

3. მიენდოს საქართველოს სსრ მუშათა და გლეხთა ინსპექციის სახალხო კომისარიატს და მის ადგილობრივ ორგანოებს:

ა) თვალყური ადევნონ, რათა ამა დადგენილების 1-ლ და მე-2 მუხლებში აღნიშნული დაწესებულებებისა და ორგანიზაციების შტატების და ხარჯთაღრიცხვების დამტკიცების დროს მაქსიმალურად შემცირებულ იქნეს საადმინისტრაციო-საგამგებლო ხარჯები;

ბ) შეამოწმონ საქართველოს სსრ სახალხო კომისარიატებისა, აღმასრულებელი კომიტეტების განყოფილებებისა, აგრეთვე რესპუბლიკანური და ადგილობრივი კოოპერატიული ორგანიზაციების მუშაობა 1930 წლის ოქტომბერ-

დეკემბრის კვარტალისა და 1931 წლის საადმინისტრაციო საგამგებლო ხარჯების შემცირებისათვის;

გ) წარმოადგინონ საქართველოს სსრ სახალხო კომისართა საბჭოში არა უგვიანეს 1931 წლის იანვრის 15-სათვის მოხსენება შემოწმების შედეგების შესახებ.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

საქართველოს სსრ სახალხო კომისართა საბჭოს
საქმეთა მმართველის მოადგილე ა. ანთაძე.

1930 წ. ნოემბრის 15.
ტფილისი—სასახლე.

